

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje,
nauku i mlade



Босна и Херцеговина
Федерација Босне и Херцеговине
КАНТОН САРАЈЕВО
Министарство за образовање,
науку и младе

Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Broj: 11/03-38-5444-17/20
Sarajevo, 16.03.2020. godine

SKUPŠTINA KANTONA SARAJEVO
n/r Mirza Čelik, predsjedavajući Skupštine Kantona Sarajevo
-Ovdje-

PREDMET: Odgovor na zastupničko pitanje, *dostavlja se*

Poštovani,

Zastupnik u Skupštini Kantona Sarajevo **Zvonko Marić** na 21. Radnoj sjednici Skupštine Kantona Sarajevo, održanoj dana 25.02.2020. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. Poslovnika Skupštine Kantona Sarajevo pokrenuo je sljedeću **zastupničku inicijativu**:

„Budući da smo i u prošlom sazivu, a i u ovom puno obećavali da ćemo pružiti pomoć Ustanovama koja se brinu o djeci sa posebnim potrebama, a od tih obećanja nismo skoro ništa ispunili, pokrećem Inicijativu da se dolazeći saziv Vlade uključi u rješavanje ovih problema, a prevashodno da razne programe koje realiziraju ove Ustanove finansijski potpomogne kroz budžet ili neke druge vidove finansiranja. Sramotno je da smo kao zastupnici, ali i članovi Vlade obmanjivali ovu vrlo osjetljivu kategoriju djece i davali lažna obećanja, ali moramo priznati da su bila samo populistička i sračunata u dobijanju jeftinih političkih poena. Puno smo govorili o ovim Ustanovama, a malo toga za njih uradili, zato molim da resorna ministarstva učine sve kako bi se u budžetu, kojeg tek trebamo usvojiti, predvide novčana sredstva za osiguranje realizacije projekata u smislu kadrovskog osposobljavanja ovih Ustanova, posebno mislim na logopede, psihologe, asistente u nastavi itd. Isto tako, trebamo uložiti sve napore, kako Skupština, tako i Vlada Kantona Sarajevo da se sistemski riješe nagomilani problemi u vezi sa brigom o djeci sa posebnim potrebama. Nadam se da će ova Inicijativa doprinijeti da se barem djelimično isprave dosadašnji propusti prethodnih Vlada, i samim tim ispravi nepravda prema ovoj ranjivoj kategoriji djece.

Ova Inicijative se odnosi posebno na ustanove „Kolibri“, „Edus“ i „Dajte nam šansu“.“

Odgovor:

Na osnovu Odluke, broj: 11/03-38-22036/19 od 30.05.2019. godine, Ministarstvo za obrazovanje, nauku i mlade Kantona Sarajevo objavilo je Javni poziv, broj: 11/03-38-22036/19 od 30.05.2019. godine, za prikupljanje zahtjeva udruženja i neoprofitnih organizacija za dodjelu sredstava za finansiranje/sufinansiranje projekata iz oblasti inkluzivnog odgoja i obrazovanja za podršku djece i omladine, do 26. godine života, iz Budžeta Kantona Sarajevo za 2019. godinu, u maksimalnom ukupnom iznosu do 600.000,00 KM (šeststotinhiljada KM). Isto je moguće



web: <http://www.mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128
Fax: + 387 (0) 33 562-218
Sarajevo, Reisa Džemaludina Čauševića 1



utvrditi uvidom na službenu web stranicu Ministarstva za obrazovanje, nauku i mlade Kantona Sarajevo.

Pravo podnošenja zahtjeva imale su neprofitne organizacije i udruženja u skladu sa članom 2. Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 37/13, 16/14 i 6/17).

Na osnovu navedenog Javnog poziva, sredstva su dodijeljena i Udruženju za podršku porodicama sa djecom i osobama sa poteškoćama u razvoju „Colibri“, Udruženje porodica, djece i osoba sa poteškoćama u razvoju „Dajte nam šansu“ i Udruženje za unapređenje obrazovanja i podrške djeci sa i bez poteškoća u razvoju „Edus“, i to kako slijedi:

1. Udruženju za podršku porodicama sa djecom i osobama sa poteškoćama u razvoju „Colibri“ u iznosu od 90.668,13 KM;
2. Udruženje porodica, djece i osoba sa poteškoćama u razvoju „Dajte nam šansu“ u iznosu od 243.922,32 KM;
3. Udruženje za unapređenje obrazovanja i podrške djeci sa i bez poteškoća u razvoju „Edus“ u iznosu od 104.550,83 KM.

S poštovanjem,



Dostaviti:

- Naslovu;
- Arhivi.

